

Diss Naach ess alles drinn - BAP

Quelle und Übersetzung: www.bap.de

1) "Waarewäsche, Moselstrooß, beim Jet"
steht he, "aushilfsweise". Klar, paar Mark extra wöhr ganz nett.
Suwiesu, op Dauer weet mer et leid,
wemmer nur der janzen Daach met ner Jummilimo
he ahm Büdsche steht.
Jede Veedelstund ne Bus,
et steich wer enn, et steich wer uss.
Su'n Veedelstund ess ganz schön lang
un eez en Woch ens - Mann oh Mann!

2) Dat mem Sonja ess wohl vorbei,
ich hann et jo komme sinn, sick dä Niete met dä Liehrstell,
Ahnfang Mai.
Ich jläuv, ihr Mutter, die Ahl ess dodrahn schuld.
Ihr Doochter künnt jet Bess'res hann, säht se.
Naja, wat soll't?
Glich kütt dä Andy mem Escort,
singem blaue 69er Ford
un dann maache mer eine drop.
Diss Naach hält uns keiner op.

3) Wat hältste vun ner Opwärm-Rund, eimohl öm de Stadt?
Nä echt, dat Feeling op der linke Spur ess der Hammer.
Ey, Jung, dat krieje ich nit satt.
Selvs et schärfste Teil em Spillsalong ess jäje sujet nix
Dä Winker drusse un et Fernleech ahn, Ruudekirche -
Bocklemünd - Bayerkrüzz.
Dann cool der Ring raff, op Brautschau,
schön langsam, Andy - ich weiß genau:
Diss Naach, do hann mir zwei en Changs,
jetz kumm mir bloß nit, do hätts Angs.

Refrain:

Diss Naach do jilt et.
Diss Naach simmer widder wer.
De Nord-Süd-Fahrt ropp un raff
un dann de Altstadt krüzz un quer.
Friedaach hammer, endlich!
Moondaachmorje 's noch lang hin
Kumm, schmieß der Jang rinn, Andy,
diss Naach ess alles drinn.

4) Luhr, wie die Neonleechter uss un ahnjonn,
waãÀòs met Kino? Stemp, zo spät.
Oh nä, für Disco hann ich keine Nerv, wat dodrinn affjeht
ess mer ech zo blööd.
Dat ess fass noch schlemmer wie 'n Studentekneip,
Mensch, wohr dä Typ verkrampf,
dä, dä uns letzte Woch bekehre wollt,
dä Spezialist met singem Klassenkampf.

Kumm Jung, mer driehe noch en Rund,
et duhrt suwiesu nur noch en Stund,
dann weet he et Trottoir huhjeklapp,
die hahle mer durch, maach bloß nit schlapp.